



Broj: 05-04-20-944-6/23
Maglaj, 24.04.2023. godine.

Na osnovu čl. 70. i 72. stav (3) tačka c) Zakona o javnim nabavkama („Službeni glasnik BiH“, br. 39/14 i 59/22) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), u postupku javne nabavke „Izrada Idejnog i Glavnog projekta sportske dvorane uz objekat Opće gimnazije i Mješovite srednje škole Maglaj“, Općinski načelnik donosi

O D L U K U

o dodjeli ugovora drugorangiranom ponuđaču.

I

Ugovor o izradi Idejnog i Glavnog projekta sportske dvorane uz objekat Opće gimnazije i Mješovite srednje škole Maglaj dodjeljuje se drugorangiranom ponuđaču **Arhitektonski atelje „Modul“ d.o.o. Tuzla** sa ponudnom cijenom od **14.111,11 KM bez PDV-a, odnosno 16.509,99 KM sa uračunatim PDV-om**, a nakon što je izabrani ponuđač „Vertex“ d.o.o. Gračanica odbio dodjelu ugovora.

II

Ovom odlukom stavlja se van snage Odluka o izboru najpovoljnijeg ponuđača, broj 05-04-20-944-5/23 od 12.04.2023. godine, kojom se predmetni ugovor dodjeljuje ponuđaču „Vertex“ d.o.o. Gračanica.

III

Ponuđač iz tačke I dužan je, u roku od pet dana od dana zaprimanja ove odluke, dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač.

IV

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

V

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-944-1/23 od 30.03.2023. godine, pokrenut je postupak javne nabavke „Izrada Idejnog i Glavnog projekta sportske dvorane uz objekat Opće gimnazije i Mješovite srednje škole Maglaj“, putem konkurentskog zahtjeva za dostavu ponuda. Predmetna javna nabavka objavljena je na portalu javnih nabavki, obavještenje o nabavci broj 1140-7-2-43-3-13/23 od 31.03.2023. godine. Sažetak obavještenja o nabavci objavljen je u „Službenom glasniku BiH“, broj 24/23.

Kriterij za dodjelu ugovora u predmetnom postupku je najniža cijena.

Nakon donošenja odluke o izboru najpovoljnijeg ponuđača, ista je dostavljena svim ponuđačima koji su učestovali u postupku, uz zapisnik o pregledu i ocjeni ponuda. Predmetnom odlukom izabrani ponuđač je pozvan da u roku od pet dana od dana njenog zaprimanja dostavi koja je tenderskom dokumentacijom utvrđena kao dokumentacija koju dostavlja izabrani ponuđač. Uvidom u spis utvrđeno je da je da izabrani ponuđač „Vertex“ d.o.o. Gračanica Odluku o izboru najpovoljnijeg ponuđača uredno zaprimio dana 12.04.2023. godine, dakle rok za dostavu dokumentacije isticao je 17.04.2023. godine.

Dana 14.04.2023. godine zaprimljen je dopis izabranog ponuđača ponuđač „Vertex“ d.o.o. Gračanica, broj 03-04-23 od 14.04.2023. godine, kojim obavještava ugovorni organ da neće biti u mogućnosti realizovati ugovor, zbog odusustva većine uposlenika za izradu predmetnog projekta.

Imajući u vidu navedeno, te odredbu člana 72. stav (3) tačka c) Zakona o javnim nabavkama, kojom je propisano da se ugovor dodjeljuje ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač u pisanoj formi odbije dodjelu ugovora, ugovorni organ je ugovor o izradi Idejnog i Glavnog projekta sportske dvorane uz objekat Opće gimnazije i Mješovite srednje škole Maglaj dodijelio drugorangiranom ponuđaču, kako je i navedeno u dispozitivu ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 5 (pet) dana od dana prijema odluke.

DOSTAVLJENO:

1. Ponuđačima – putem maila
2. Služba za urbanizam, geodetske i imovinsko-pravne poslove
3. Web stranica
4. a/a

